

VAl  
1522079

5

**THESIS**  
**IURIS NATURAE**  
**QUAS**

**IN COLLEGIO LYCIENSI SOC. IESU**

**PROPUGNANDAS SUSCIPIUNT**

**D. IOANNES D'AMELI BARO MELENDUNI E. R. C.**

**D. DONATUS MICALI**

*19 Kalendas Septembris*

**ANNO MDCCCLIV.**

**Esto cuilibet a quarto arguendi facultas**



**Barii**

*Excudebant Prætes Canone*





---

## PARS PRIMA

---

### JUS INDIVIDUALE

#### I.

Hominis perfectam felicitatem in nullo creato objecto quancumque tandem illud existimetur, sed in summo infinitoque bono (Deo) constituendam esse; ex facultatibus quibus hominis ipsius natura est prædita facile deducimus. Quam undequaque completam felicitatem, cum homo nisi vita hac peritura sit functus assequi non possit; beatitudinis specie aliqua dum vivit potietur, si ad summi Boni adeptionem operationibus ad ordinis normas exactis contendat.

#### II.

Sensus moralis (quæ facultas realiter ab intellectu nequaquam dividitur) ea definit per quæ, homo officia quibus obstringitur cognoscens, fi-

nem suum et admet et prosequatur. Dum vero intellectus naturali lumine prælucante ea dictat quæ facienda sunt prohibetque contraria; illi semper principio, omnium moralium primo, inuititur « Bonum agito »

### III.

Libertatem hominis ejusque finitam naturam qui constituit, et naturalis alicujus legis qua regatur et obligetur existentiam inficiatur; male profecto de Divina Natura ac Providentia meretur. Nec his absimiles censemus qui naturalis legis rectitudinem, universalitatem, vel quoad prima saltem principia maximam perspicuitatem in dubium revocant.

### IV.

Voluntas tamen hominis libertate physica sub hac lege pollens, adeo ut ad eliciendos actus ab extrinseca vel intrinseca necessitate adigi nequeat, naturali legi potest vel obsequi vel refragari. Humani autem actus cum ex respectu ad finem bonitatis vel malitiæ speciem sortiantur; facile constat ex iis aliquos esse natura sua omnique positiva lege præcisa bonos vel malos, alios con-

tra si tantum objectum ipsorum respiciatur nec bonis nec malis posse adnumerari.

## V.

Officia Deo per hominem persolvenda, ex naturali dependentia qua Deo ipsi subijcitur deducta, haec adsignamus : 1.<sup>o</sup> Adorationem, cujus partes per cultum cum internum tum externum sunt implendae : ( quicquid indifferentistæ et externi cultus osores in contrarium blaterent ) 2.<sup>o</sup> Fidem, quæ Deo veritates naturales vel supernaturales revelanti humanum intellectum facilem præstat : 3.<sup>o</sup> Amorem, hominem Deo coniungentem, ejusque dilectionem bonis omnibus creatis anteponentem.

## VI.

His ea, quæ hominem ad seipsum dirigunt, connectuntur. Conservationi ergo et perfectioni cum animi et corporis, tum illorum quibus hæc comparantur homo studere compellitur. Hinc naturam omnem exuisse illi dicendi sunt qui vel violentam sibi mortem consciscunt, vel privatum bellum ex conducto inire non verentur.

## PARS ALTERA

---

### JUS SOCIALE

#### VII.

In societatem homines non humana prorsus a libera institutione seu pactione aliqua coivere: quemadmodum primo Hobbes dein Rousseau eorumque sectatores commenti sunt. Neque in societatibus homines constituti auctoritatem (quæ si abstrahit a quacumque regiminis forma, et subjecto immediate a Deo est) creavere. Sed omnis societas peculiaris ex universali socialitatis principio omnibus hominibus indito, et facto aliquo particulari est derivanda.

#### VIII.

Socii juribus ex recto ordine enascentibus, et officiis quæ illis respondent adstringuntur. Jura quæcumque, dummodo justis titulis innitantur nec a validioribus juribus collidantur, irrefragabilia sunt. Quapropter 1.º nemini umquam licet aliis mentiri, vel prohibere quominus per veri et boni adeptionem perficiantur: 2.º Omnes suæ vitæ ca-

7  
veant; inlata etiam, si aliud desit effugium, injusto aggressori morte: 3.<sup>o</sup> Honore ac amore se invicem prosequatur, inimicos enim odisse naturæ legibus adversatur, et societatem funditus evertit.

## IX.

Saepe fit, ut societates majores (protarchiæ) minores sibi adsciscant societates (deutarchias). Jure vero cautum ne deutarchiæ ex hac unione suum esse peculiare amittant; vicissimque ut dum hae ad finem generalem protarchiæ propositum conspirant per protarchiam conserventur ac tueantur.

## X.

Moralis societatis operatio, quæ in auctoritate residet, ad externos actus moderandos definitur. Si tamen noxius societati animus per verba vel facta e conscientiae penetralibus erumpat, tenetur auctoritas delicta coercere fontesque punire. Quod si ordo instaurandus pœnas supremas et capitales de reis sumi exigat, has posse per auctoritatem infligi fidenter propugnamus. Verumtamen poenis quibusquumque poterit societatis moderator reos subtrahere; dummodo id prudens consilium et potius commune bonum futurum censetur.

## XI.

Huc revocandi sunt qui vel Luxus patrocini-  
um susceperē, vel saltem illum non posse per  
auctoritatem omni ope a sociis propulsari affirma-  
runt. Nec multum humanitatis dictamina illos sen-  
tire arbitramur qui vere egenos omni sociorum  
auxilio viduatos volunt.

## XII.

Unitatis perfectionem numquam societas ad-  
sequetur nisi communi Religionis vinculo cives  
omnes colligentur. At pessimæ causæ patrocini-  
um susciperet, quisquis inde politicæ auctoritati jus  
vindicaret vel determinatum cultum subditis indi-  
cendi, vel vi ad certam Religionem adigendi. Sat  
ipsi erit in eos, ut in societatis hostes animadver-  
tere, qui vel primas naturales veritates vel veram  
socialemque Religionem dictis factisque oppugnant.

## XIII.

In supremo etiam sociorum moderatore jura  
polytica ( potestas scilicet constituens, deliberati-  
va, legislativa, et executiva cum potestate judi-  
ciaria et vi publica quas haec postrema desiderat)



inveniuntur. Quæ omnia eo perfectius ad societatis bonum corrivabunt, quo magis conjuncta ab eodem subjecto physico aut moraliter uno exercentur.

#### XIV.

Potestatis constituentis partes sunt socialem unitatem procurare; idque præstabit si propositis sibi justitiæ normis mentes per verum, voluntates per bonum, personas per rectam potestatum distributionem, et opportunam in terris legitime possessis collocationem, adunabit. Deliberativæ porro cognoscere quæ societati necessaria sunt; quapropter tum capacitatem intelligentiæ, tum voluntatis rectitudinem in iis, qui publicis consiliis adsident, cordi sibi esse debere intelligat.

#### XV.

Leges quæ a potestate legislativa feruntur justæ, utiles, convenientes, claræ, publicæ, efficaces, condantur oportet. Ex ipsarum vero convenientia fit ut neque omnes æque gentibus omnibus congruant, et possint per publicam potestatem vel immutari vel abrogari vel etiam derogari.

## XVI.

Potestatis executivæ est populi numerum ipsiusque commoda et divitias curare. Nemo tamen dicat, ipsi licere socios ad matrimonium adigere. Ad societatem enim domesticam ineundam ( quæ licet cælibatu longe inferior sit , tamen naturæ non opponitur ut quidam somniati sunt ) homines individui liberi omnino sunt , et ratione non vi ad ipsam inducantur necesse est. Praesertim cum matrimonium legitime contractum jure naturæ sit omnino indissolubile.

## XVII.

Juris dicendi potestas huc demum spectet , ut postrata injuria omni jus et verum triumphant. Ad quæ explenda , si summus imperans per se insufficiens videatur , potestatis hujus suæ participes reddere poterit quotquot societatis bonum desiderabit.



## PARS TERTIA

### JUS INTER-NATIONALE

#### XVIII.

Iustitiæ et benevolentiaæ leges inter societates mutuo independentes vigens, hoc primo jubet: ne ipsæ ad invicem aliquid nublantur vel intendant, quo jura aliarum lædantur. Dein, ut quantum in ipsarum facultate est, per tutelam politicæ existentiaæ, per publicæ felicitatis incrementum, per veri cognitionem ac boni amorem, aliarum gentium perfectioni adnitantur.

#### XIX.

Hinc sequitur, commercium non fovere publicæ gentium felicitati non parum officere, et naturali legi adversari. Commercium enim medium aptissimum est ad bona sensibilia intellectualia et moralia adaugenda, et ad homines omnes ad universalem quamdam societatem adducendos. Poterit tamen quandoque a publica auctoritate commercium vel definiri vel omnino inhiberi; si ex illo societatis suæ detrimentum sentiat obvenire.

Tandem si violatus inter gentes ordo armis necessario instaurandus sit, bellum gerere naturæ non opponitur. Attamen his servatis legibus, ut bellum publice juste moderate efficaciter geratur. Tum ut per publicam Auctoritatem indicto, hæc pacem æquis conditionibus ablata minime detrectet, legatos revereatur, inermes humanitate soleatur, cædes vastationesque inutiles vitet, moralia dictamina tuëatur, juris naturæ placita decernunt.



VA1  
1522075